



Synfocity = 802

mail us at : mzsynfo@gmail.com; mizoramsynod@gmail.com - Phone - 2314648

February 11, 2021

❑ **Women Centre-ah Kum 2021 Batch Opening Function**

February 8, 2021 (Thawhtanni) chhun dar 12 : 30 khan Mizoram Presbyterian Kohhran Hmeichhiate enkawl Women Centre, Phunchawng-ah Puanthui zirna batch 7-na leh puantah zirna batch 5-na Opening Function hman a ni a. Kum 2021 chhunga training tur te hi puanthui-ah zirlai 26 leh puantah-ah zirlai 1 an ni a, an vaiin zirlai 27 an ni.

Kumin 2021 batch Opening Function hi Pi Lalrinpuii, Kohhran Hmeichhe Inkhawmpui Lian Vice Chairman-in kaihruaiin, Treasurer Pi Lalsangluaii'n inhmelhriattirna hun a hmang a, Pi R. Lalrinpuii, Women Centre Superintendent-in Hostel Rules leh inkaihhruainate a sawi a, zirlai lut tharte lawmna leh fuihna Pi Lalrinkimi, Chairman, Inkhawmpui Lian hnen atangin ngaihthlak a ni.

Women Centre hi Mizoram Presbyterian Project pawimawh tak a ni a. Hmeichhe dinhmun harsa leh khawsakna lama tanpui ngaite chawikanna atana din a ni a. Kum 2016 atang khan Puanthui zirna tan a ni a, tunah hian mi 180-in puanthui an zir chhuak tawh a. Kum 2017 atangin Puantah zirna tih belh a ni a, mi 18-in puantah hlawhtling takin an lo zirchhuak tawh a ni. Women Centre-a zir chhuakte engemaw zat hi mahni ke a dingin chhungkaw ei bel ber an ni ve mek a, midang zirtir chhawng a dawr siamte pawh an awm a, mi hnuaia puanthui leh puantah a thawk mek thahnem tak an awm bawk.

❑ **Bial Kohhran Hmeichhe Inkhawmpui**

February 12 - 14, 2021 chhung hian Bial hrang hrangah Bial Kohhran Hmeichhe Inkhawmpui neih a ni a. Amaherawhchu kan hriat theuh angin Hripui leng mek avangin kum dang angin hman a remchang lova, Bial Hmeichhe Inkhawmpui hman dan tur hi Bial Hmeichhe Committee-in ngaihtuahin a remchan dan anga hman thin a ni a, churang chuan bial hrang hranga hman dan pawh a inang vek lo a ni. Tun tumah pawh hian zan lam programme awm lovin chhun lamah rorel inkhawm chiah te neih niin a remchan dan anga hman a ni a, sawrkar dan zawm chungin fimkhur taka kalpui a ni.

Mizoram Presbyterian Kohhran chuan Bial Kohhran Hmeichhe Inkhawmpui hi rualkhai taka hman anih theih nan a hun tur hi Synod-in ruahmanna siamin February thla Pathianni vawi 2-na hmanga neih thin a ni.

❑ **Synod Mission Board leh ram pawn chet velna**

◆ **Masihi Sangati**

February 1 - 7, 2021 chhung khan Kolasib Area Masihi Sangati ten Rajdali Railway P-2 hmuna hnathawka awm te hnenah Crusade beihpui an thlak a, crusade neih chhung hian ringthar 169 Lal Isua zui turin an inpe.

◆ **Siliguri Mission Field**

February 6, 2021 (Inrinni) khan ringthar 2 Lal Isua zui turin an inpe.

◆ **Jharkhand Mission Field**

February 6, 2021 (Inrinni) khan Kohhran dang atangin chhungkaw khat (Member 6) kan Kohhranah an inpe a. February 7, 2021 (Pathianni) khan ringthar 4 Lal Isua zui turin an inpe.

◆ **Nepal Mission Field**

February 6, 2021 (Inrinni) khan Field chhung hmun hrang hrangah ringthar 7 Lal Isua zui turin an inpe.

◆ **Karbi Anglong Mission Field**

February 7, 2021 (Pathianni) khan Field chhung hmun hrang hrangah ringthar 12 Lal Isua zui turin an inpe.

◆ **Home Mission North**

February 7, 2021 (Pathianni) khan Thaidawr Pastor Bial-a Mualthuam kohhranah ringthar 1 Lal Isua zui turin an inpe.

❑ **Synod Revival**

February 6 & 7, 2021 khan Aizawl khawchhung leh dai velah Operation Nehemia neih a ni a, speaker leh counselor-te hmun 10-ah inthen darhin hun an hmang a, Operation Nehemia hi tunkar ni 13 & 14, 2021 hian neih chhunzawm leh a ni ang.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Pek zat</i>
1.	Muanna veng	Vanduaina tawk	1	Rs. 6,000/-
2.	Darlak	Damlo	1	Rs. 8,000/-
3.	Lungphun	Damlo	1	Rs. 8,000/-
4.	Tuidam	Damlo	1	Rs. 8,000/-
5.	Lawipu	Damlo	1	Rs. 8,000/-
6.	Sesawng Venghlun	Damlo	1	Rs. 8,000/-
7.	West Serzawl	Damlo	1	Rs. 8,000/-
8.	Arro - Khawzawl Dinthar	In kang	1	Rs. 10,000/-
8.	Sairang Dinthar	In kang	1	Rs. 10,000/-
9.	Hnahlan Vengthlang	In kang	1	Rs. 10,000/-
7.	Tualcheng	Damlo	2	Rs. 16,000/-
			TOTAL	Rs. 1,00,000/-

☐ **Zin**

♦ Feb. 12 - 13, 2021 hian Kohhran tlawh turin Vaphai-ah Rev. Lianhmingthanga Sailo, Senior Executive Secretary a kal ang.

♦ Feb. 12 - 14, 2021 chhunga Bial Kohhran Hmeichhe Inkhawmpui hmanpui turin hetiang hian an kal ang.

Hmuntha Bial - Pi Lalthanruali leh Pi K. Lalliantluangi

Thaidawr Bial - Pi R. Lalrampari leh Pi Lalrinliani

Thenzawl Bial - Dr. Robert S. Halliday, Superintendent, Synod Office

☐ **Hruaina Eng FM Radio :**

FEBRUARY 12, 2021 (FM Zoawi - Aizawl & Lunglei @ 7:30 p.m.):

Solo : K. Vanlallawmi - Harhna kan ngai, **Zaipawl :** Dawrpui Vengthar Kohhran Zaipawl - Vanram pan hlimte zai ru, **Thusawi :** Rev. R. Lalchangliana - Zoram mamawh harhna Kristian chhungkua, **Solo :** Isak Malsawmtluanga - Simin i hnen ka rawn pan e, **Zaipawl -** Tuivamit Kohhran Zaipawl - Harhna.

☐ **Susamachar Prasaran Programme :**

FEBRUARY 14, 2021 (Pathianni) 5:00 pm. :

Group/Choir/Solo : Diphu Pastorate Choir - Lang tha sining, **Group/Choir/Solo :** Republic Veng Masihi Sangati - Chalo mere sath, **Sermon :** Rev. Vanlalbela - Isu Jevan Data He, **Group/Choir/Solo :** Khatla Masihi Sangati - Ishu Tera Wada, **Group/Choir/Solo :** Tuikual Pastor Bial - Prabhu Mere

☐ **Moderator leh Executive Secretary-te Programme:**

Rev. Dr. C. Lalhlira : Moderator

Feb. 15, 2021 TEB

Feb. 16, 2021 OM

Feb. 17, 2021 Synod Finance Committee meeting

Feb. 18, 2021 Central Kohhran Hmeichhe Committee meeting

Feb. 19, 2021 PRESCOM BEC

Feb. 21, 2021 Kulikawn Bial

Rev. Lianhmingthanga Sailo : Senior Executive Secretary

Feb. 12 & 13, 2021 Kohhran tlawh - Vaphai

Feb. 15, 2021 TEB

Feb. 16, 2021 OM

Feb. 17, 2021 Synod Finance Committee meeting

Rev. B. Sangthanga : Executive Secretary

Feb. 16, 2021 OM

Feb. 17, 2021 Synod Finance Committee meeting

Feb. 18, 2021 Central Kohhran Hmeichhe committee meeting

Feb. 19, 2021 PRESCOM BEC

Feb. 21, 2021 Finance Campaign - Lungpho

Rev. K. Lalrinmawia : Executive Secretary

Feb. 16, 2021

OM

Feb. 17, 2021

Synod Finance Committee meeting

HRIATTIRNA

February 16, 2021 (Thawhlejni) hi Aizawl Municipal Corporation (AMC) inthlan anih avangin Synod hnuai thawktu zawng zawngin tha taka vote an thlak theih nan Holiday-a puan a ni a, kohhran hote kan inhriattir a ni e.

HNA RUAQ DIL THEIH

Mizoram Presbyterian Kohhran hnuai thawk turin a hnuai hnate hi a ruak a, kum 18-35 inkar, ni 11.3.2021-a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Hna dilna Form chu Dt. 1.2.2021 (Thawhtanni) atangin Synod Office (Aizawl leh Lunglei)-ah lakchhuah theih a ni ang. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh tihlan a ni ang.

1. SYNOD RESCUE HOME-A THAWK TUR

Hna hming : Social Worker, Post - 1
 Thiamna : MSW of any recognised university.
 Hlawh : Synod hnuai Contract Social Worker hlawh

2. SYNOD HIGHER SECONDARY SCHOOL-A THAWK TUR

(1) Hna hming : Teacher, Mizo, Post - 1
 Thiamna : B.A. (Mizo) or above with B.Ed. or equivalent from any recognised University
 Hlawh : Synod hnuai Contract Trained Graduate Teacher hlawh
 (2) Hna hming : Teacher, Science, Post - 1
 Thiamna : B.Sc. or above with B.Ed. or equivalent from any recognised University
 Hlawh : Synod hnuai Contract Trained Graduate Teacher hlawh

3. SYNOD MISSION BOARD-A THAWK TUR

Hna hming : Missionary, Post - 30
 Thiamna : Class VIII Certificate leh a chunglam
 Hlawh : Synod hnuai Contract Missionary hlawh

Dil theih hun chung : Dt. 1.3.2021 (Thawhtanni), 3:00 pm thleng
 Screening test/exam : Dt. 5.3.2021 (Zirtawpni), 10:00 am
 Interview : Dt. 11.3.2021 (Ningani), 10:00 am

Sd/-

Rev. Lianhmingthanga Sailo
 Secretary, Synod Service Board
 Synod Office